

# DutchCulture | International Heritage Cooperation ta lansa Yamada habrí pa Matching Fund: Aña Konmemorativo di Sklabitut

DutchCulture | International Heritage Cooperation ta lansa un yamada habrí adishonal pa e Matching Fund pa sostené proyekto ku ta enfatisá historia di sklabitut i di trabou a base di kontrato den e eksolonianan hulandes i establecimiento komersial kolonial, i ta trese e historianan akí bou di atenshon di un oudiensia amplio. Ultimo fecha pa apliká ta 13 di òktober 2024.

E plan akí ta habrí pa profesional riba tereno kreativo i di patrimonio den Reino Hulandes (inkluso Aruba, Boneiru, Kòrsou, Saba, Sint Eustatius i Sint Maarten) ku ta kolaborá ku sosio internashonal.

Durante di e Aña Konmemorativo di Sklabitut (2023-2024), Reino Hulandes a reflehá riba su historia di sklabitut doloroso den e eksolonianan hulandes i e impakto ku ta dura te awe. Aunke e Aña Konmemorativo di Sklabitut a terminá ofisialmente dia promé di yüli, e rekonosimentu i konsekuensianan di e historia akí ta keda importante riba tereno di patrimonio internashonal.

Pa medio di e Fondo Adishonal en general, DutchCulture | International Heritage Cooperation ta sostené proyekto ku ta oumentá visibilidat di patrimonio ku ta konektá Reino Hulandes ku e paisnan di enfoke den e maneho kultural internashonal di gobièrnu hulandes. Ku e ronda di finansiamentu adishonal akí, supsidio di maksimalmente € 25.000 pa proyekto ta disponibel pa proyekto relashoná na historia di sklabitut i labor a base di kontrato den e kolonianan di ántes i e establecimientunan komersial di e imperio hulandes kolonial. Komo ku visibilidat i kooperashon ta forma parti sentral di e plan akí, kada proyekto mester enfatisá representashon di dos banda, multiperspektividat i konsiensiá históriko. Ta enkurashá esnan ku apliká pa enfoká riba e impakto kontinuo di sklabitut i labor di kontrato den presente.

## Proseso di aplikashon

Profeshonal di patrimonio, hende kreativo, organisashon i instituto (kultural) situá den Reino Hulandes ta bonbiní pa apliká huntu ku nan sosio(nan) di e paisnan menshoná den e maneho kultural internashonal. Proyekto di tur ekspression kultural ta eligibel, basta e proyekto ta aksesibel pa un públiko amplio i ta aksentuá patrimonio ku ta konektá Reino Hulandes ku e pais sosio. Aplikashon ta sera 13 di òktober 2024, 23:59 (CET)